

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Plagium.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Quod insinuat in Exceptione *Prima*, homicidium fortuitò patratum non esse justam accusationis caufam, falso est, cùm homicidium previderi potuit ac debuit. v. gr. cùm Parentes pueros suos in cubili suo collocant, mortuosque eos reperiunt cum signis suffocationis; hoc enim in casu puniuntur ut Homicidae, licet mitius, quām si eos consultò oppressissent; distinguere debuisset inter casum voluntarium & involuntarium.

Quod dicit in *REGULA Secunda*, cum, qui occidit aliquem, ad se aut alium tuendum non reputari homicidam, non est verum, nisi in casu. *Can. ult. Caus. XIII.* Questio II. quo scilicet opprimit latro vitam perinde ac bona aggressus, à cuius impetu se quis cum liberis, uxore ac Parentibus eripere non poterat. Casus hic iure excipitur, quia uniuersique licet conservationi sua, *Suorumque invigilare*, ut nominatio fert *Canon*; proximi autem Parentes eodem in periculo versantes, multò cariores sunt, quām bona. Extrā hunc casum aut alium similem, si ad tuendum alium quis occiderit quempiam, is à crimen non vacaret, posito quod cum alio lacesitus non fuisse; is enim non est legitimæ tutela casus, à culpâ immunis declaratus in Concilio Viennensi *CLEMENTINA de Homicidio*, quæ illud Homicidio per furiosum patrato exequatur.

Exceptione IV. falsa est; nulla enim est Lex Principum, qua Excommunicatos occidere permittat.

Quinta & Sexta sunt perniciose, quippè Angelus te-nebrarum Angeli lucis speciem ementitus, Devotis inspirare potest, Dei interest, ut quasdam personas occidant, earumque cædem in nomine Dei imperare. *Questio II. De iis, qui homicidiis postulari possunt*, reducitur ad *Primam*, quinam homicidæ dici debeant, aut sint. *Regula VII.* quibus solvit atque exponit, ad hanc rediguntur: accusari possunt quicunque in homicidium influunt. *Canones* hic laudati Homicidas tantum vocant eos, de quibus loquuntur, ideò quod aliquatenus cædis sint participes.

In *Quæstione III. De pœnis homicidii*, sub *Regulis VIII.* Autor casus variorum homicidii generum colligit, & pœnas, quibus singula afficiuntur, ita ut unaquæque *Regula* unicum homicidii genus speget, excepta *Prima*, qua de homicidio generatim loquitur. Hos omnes casus in *Regulam* unicam contrahere potuisset, dicendo, variis pœnis affici homicidium, ratione habitâ circumstantiarum ipsius; id probant collectæ *Regule*.

Questio IV. nihil continet prater Decisionem casus Irregularitatis ex homicidio provenientis; scilicet, hac in re Clericus se reputare Irregulariter debet, in dubio, an is, quem percussit, ex vulnero mortuus sit. Eximiam occasionem nactus erat exponendæ hujus speciei Irregularitatis ex homicidio nascens, & quæ est una ex pœnis ipsis; de hoc tamen casu loquitur duntaxat, tanquam adjuncto.

PLAGIUM.

Nihil aliud dicit Autor de *Plagio* nisi, Plagiarios morte affici; nec monet Plagiariū, cum esse, qui Personas liberas subripit.

ADULTERIUM & STUPRUM.

Sub his verbis, quæ certas duntaxat obsecenitatis species designant, Autor de ceteris differit, Incestu, Fornicatione, Sodomia, Conjunctione qualibet extrâ Matrimonium, amore dissoluto. Uxor propriæ. Ut ritè ordinarentur ea, qua dicit in *Primâ Quæstione*, ubi agit de causis hujus Judicij, id est accusationis Adulterii aut Stupri, observare debuisset, crimina obsecenitatis, sub illis duobus, aut eorum nomine latissimè sumpto comprehendendi posse: tū dixisset, omnem Conjunctionem extrâ legitimum Matrimonium illicitam esse; eam vero, quæ est contra naturam tam inter ipsos Conjugatos prohiberi, quam inter ceteros; deinde gradatim species lustravister à minis gravibus ad graviores, loquendo 1. de Fornicatione; 2. de Stupro; 3. de Adulterio; 4.

de Incestu; 5. de Peccatis contrâ naturam, Sodomitria, & Bestialitate. Mera forniciatio huic *Titulo* convenire non videtur, quia non est causa Judicij publici: idem est de amore perverso uxoris, de cohabitatione cum uxore Adulterâ, extrâ casum publicum, unde nascitur suspicio, yirum esse criminis conjugis sua consilium.

Exceptio ultima *Causæ IX.* falsa est; nam maritus, qui aliam uxorem, dimissâ priore, dicit, est in casu Bigamie actualis.

Cum ex Exceptionibus generalibus VIII. Causarum II. suprà relatarum, sola *Ostava* vera sit, ut ipse fatetur, generatim statuere debuisset, ex omnibus Exceptionibus seu Excusationibus criminum obsecenitatis, quæ leguntur in Jure, quas retulerat, unicam esse legitimam, nempe ignorantium facti, quâ maritus cum aliâ muliere sive conjugata, sive cognata, sive virgine, concubuit, bonâ fide, credens se cum verâ uxore cohabitare.

Quod dicit in *Regulâ I. Quæst. II.* maritum Adulterii postulare non posse uxorem, si Adulterio sit ipse maculatus, exolevit. Idem est de eo, quod dicit in *Tertia*, folios Cognatos ad accusationem incestus admitti.

In *Quæst. III.* de pœnis, Autor loquitur de duabus aliis spesitæ speciebus: nempe Sacrilegio à Presbytero aut Moniali admisso, & Incesto Spirituali Sacerdotis cum filiâ spirituali sive per Baptismum, sive per Pœnitentiam suscepit. Alteram speciem nomine peculiari parentem adjicit, nempe contubernium mulieris cum servis suis. 1. Trium Regularum *Quæst. IV.* de adjunctis accusationis Adulterii, nihil huic Judicio peculiare continet: nam Juramentum Accusatoris in omnibus Causis Criminalibus requiritur.

Idem est de *Terria*; nam Confessio unius è sociis coram ipsis Judge facta, probationis vim non habet adversus alios, qui aliis Judicibus subjacent: aliud dicendum est, si coram eodem Judge, atque eodem Judicio procederetur. Vid. *GONZALEM. Cap. V. de Adulteriis.*

F A L S U M.

Autor agens de causis, ob quas criminis falsi quis accusari potest, incipit à genere, cuius Definitionem omittit: quod faciendum erat, dicendo post *JUSTINIANUM*, *Falsum* esse imitationem & corruptionem Veri: inde trahit ad species, quarum generaliores sunt suppressio veritatis in casibus, in quibus ea exponi debet, & expressio rei veritate nō lädenter. Hæ duæ *Falsum* tantum continent, quod committitur aut verbo, aut scripto: Reliquæ species Falsi comprehenduntur sub falso facti consistentes in adulteratione Monetæ sive in Imagine, sive in pondere, sive in materiâ. 2. In adulteratione Mensurarum & Ponderum, 3. Mercium, miscendo malas cum bonis. 4. In subrogatione speciei minus bona, speciei meliori, in Contradicibus Venditionis aut Permutationis. 5. In corruptione Instrumentorum Publicorum. Alia est species criminis Falsi, consistens in usu falsi sive Instrumenti, sive Monetæ, sive Mercis, in præjudicium tertii. His speciebus adjicienda est suppositio Personarum.

Autor referens causas hujus accusationis, primam omittit debuisset, quæ reperitur in omnibus aliis, velut genus in speciebus: cùm dolus falso criminale efficiat, de ipso loqui debuisset in prima causa, & ordine cæteras disponere neglexit; quo tamen nihil magis est necessarium in ejus Methodo. Plures afferunt, quæ affinitatem cum Falso habere non videntur, id est monere debuisset, hoc crimen se astringere eum, qui se, vel alios objicit periculo in illud cadendi, quales sunt ii, qui falsas Epistolas non lacerant, aut iis, ad quos pertinent, non restituunt; ii, qui *Recripta Pontificia* accipiunt ab alio, quām ab ipso, aut Ministris ejus; ii, qui pecuniam accipiunt ad accusandum aut depoñendum, aut neutrum faciendum; Testes, qui alterutri Parti detegunt suam depositionem, quā utraque abutit potest. Gestatio vestis virilis à muliere, inducit in errorem, perinde ac crimen falsi. Fortè hæc est ratio *Causarum* 3. 4. 7. 11. 12.

REGULE V.